

«Երիտասարդ պատմագետների ասոցացիա» ՀԿ-ի EduArmenia
կրթական նախաձեռնություն

Ուսուցիչների պետական պարտադիր վերապատրաստման
դասընթաց 2023

Հետազոտական աշխատանք

Թեմա՝ «Ինչպե՞ս ձևավորել սովորողների մեջ արժեքային համակարգը
պատմություն առարկայի դասավանդման ընթացքում »

Հետազոտող ուսուցիչ՝ Քրիստինա Հարությունյան
(Գեղարունիքի մարզ, ք.Սևան Մ.Մաշտոցի անվան N1 հիմնական դպրոց)

ՍԵՎԱՆ 2023

Բովանդակություն

- Ներածություն _____ 3
- Գլուխ I. Արժեքներ _____ 5-9
- Գլուխ II . Ազգային և համամարդկային արժեքների ձևավորումը և կարևորությունը սերունդների դաստիարակության գործում _____ 10-12
- Դասի պլան _____ 13-18
- Եզրակացություն _____ 19
- Գրականության ցանկ _____ 20

Ներածություն

Հետազոտական աշխատանքս հետևյալն է «Ինչպե՞ս ձևավորել սովորողների մեջ արժեքային համակարգը դասավանդման ընթացքում»: Թեման ընտրելիս հաշվի եմ առել թեմայի արդիականությունը և ժամանակակից սերնդի առջև ծառայած մի շարք կարևորագույն խնդիրներ: Լինելով ուսուցիչ՝ նոր սերնդի համար կարևորագույն խնդիրներից եմ համարում բարոյական, ազգային, մշակութային, կրոնական արժեքների ճիշտ ընկալումը և դաստիարակության գործում դրանց կիրառումը: Յուրաքանչյուր ուսուցիչ իր ուսերին ունի դրված առաքելություն՝ այն է կրթելու և դաստարակելու հայրենիքին և պետությանը արժանի պատվախնդիր, բարոյական, ազգային և կրոնական արժեքները առաջնայն և բարձր պահող անհատներ:

Յուրաքանչյուր անձնի արժեքային համակարգի ձևավորման հիմքում իմ կարծիքով դրվում է՝ ազնվությունը, ճշմարտությունը և սերը: Ի սկզբանե երեխայի մեջ պետք է սերմանել ազնվություն իր անձի նկատմամբ, սեր հայրենիքի և ազգի նկատմամբ, իսկ ժամանակի ընթացքում այդ սերը պետք է ավելացնել և մեծացնել:

Կարևոր արժեք է համարվում ազնվությունը, քանի որ ազնվության շնորհիվ կարելի է պահպանել ազգային ինքնություն, կրոնական պատկանելիություն և այլ արժեքներ:

Կարևոր արժեք է նաև ճշմարտությունը, հատկապես բարու և գեղեցիկի հետ կապվելիս:

Անձի մասին կարելի է դատել նրան բնորոշ արժեքներով, որոնք արտահայտում են անձի ներաշխարհը. այսինքն՝ ազնիվ մարդու վարքի դրսևորումը խոսում է նրա արարքների և կերտվածքի մասին:

Ժամանակակից աշխարհում տեղի ունեցող քաղաքական, որակական և բովանդակային բազմաթիվ փոփոխություններ կարծես մարտահրավերներ են ստեղծում արժեքային համակարգում՝ կշեռքի մի նժարին դնելով ազգային ավանդական արժեքները, մյուսին՝ համամարդկային արժեքները՝ խաղաղություն, միասնականություն, հանդուրժողականություն, ազնվություն և այլն:

Այս մարտահրավերների առկայության պայմաններում նոր սերնդի՝ նախնիներից ժառանգած արժեհամակարգի մասին մակերեսային գիտելիքների կամ չիմացության հետևանքով ազգային արժեքները հաճախ մղվում են երկրորդական պլան. դուրին և հեշտ են դառնում համաշխարհայնացման կործանարար պահանջները: Վերջիններս,

բացասական ազդեցություն են ունենում նոր սերնդի ինքնության, կենսակերպի և արժեհամակարգի ձևավորման վրա: Ի տարբերություն նախորդ ժամանակաշրջանի՝ մերօրյա ազգային առաքինությունների հանդեպ շատերն այլ ընկալում են ձեռք բերել, փոխվել են նաև արժեքային պատկերացումները: Նույնիսկ դպրոցում ենք հանդիպում աշակերտի և ծնողի կողմից արժեքների ոչ ճիշտ ընկալմանը հետևաբար այս մարտահրավերների պայմանում պետության ամրապնդման համար չափազանց կարևոր է ոչ միայն ժամանակակից քաղաքական և տնտեսական հարաբերություններն ու օրենքները ըմբռնող այլև ազգային մտածողություն և հայեցի դաստիարակություն ունեցող սերնդի կերտումը՝ ովքեր պետք է արժևորեն գիտելիքը ոչ թե գնհատականը: Այս իրավիճակում պետք է կարողանանք ճիշտ իրականացնել երեխաների կրթությունը և դաստիարակությունը:

Ուստի սահմանելով որոշ սկզբունքներ, առաջ շարժվենք ըստ այդմ՝ առանցքային դերում պահպանելով ազգային արժեքների գերագույն դերը համամարդկային արժեքների համատեքստում: 21-րդ դարը հումանիզմի դրսևորման, տեխնիկական առաջընթացի, գիտական ուսումնասիրությունների, տեղեկատվական մեծ հոսքի և զարգացման մի դարաշրջան է, որտեղ ձևավորվում, դաստրախակվում և զարգանում է մերօրյա սերունդը՝ արժեքներ կրողը: Ահա, ելնելով այս համատեքստից առաջ եմ քաշում հետևյալ հարցադրումները՝

Արդյո՞ք ընտանիքը դիտարկվում է որպես ազգային արժեք, որքանո՞վ է մեծ դրա կարևորությունը երեխայի դաստիարակության գործում.

Ինչպիսի՞ն է ժամանակակից սերունդը, ի՞նչ պահանջմունքներ և հետաքրքրություններ ունի, ինչպիսի՞ արժեհամակարգով է առաջնորդվում.

Ելնելով նոր ժամանակների մարտահրավերներից՝ ինչպե՞ս պետք է իրականացել կրթությունը դպրոցում, որպեսզի և՛ համամարդկային և՛ ազգային արժեքները ճիշտ յուրացվեն ներկա սերնդի կողմից, ինչպես նաև կարողանան այդ արժեքները փոխանցել ապագա սերունդներին՝ ձևավորելով ճիշտ արժեքային համակարգ:

ԳԼՈՒԽ I

Արժեքներ

**Ամեն արժեք գեղեցկություն է դառնում,բայց գեղեցկությունն ամեն արժեքից բարձր է ...
Երվանդ Քոչար**

Պատմությունը ժողովրդի հավաքական հիշողությունն է, նրա կենսագրությունը: Հայ ժողովուրդը աշխարհի հնագույն ազգերից է, նա պատմական ասպարեզ է եկել անհիշելի ժամանակներից և անցել զարգացման բարդ ու դժվարին, բայց և փառավոր ու հերոսական ճանապարհ: Գալով հազարամյակների խորքերից՝ հայ ժողովուրդը կերտել է խիզախումներով ու մաքառումներով, կորուստներով ու ձեռքբերումներով, մտքի թռիչքներով ու արարումներով լի հարուստ պատմություն ու մշակույթ: Հայոց պատմությունը մեծ հնարավորություն է տալիս իրականացնելու մեր ազգային իղծերը ձևավորելու ու պահպանելու հայի կերպարը: Մեր պատմությունը բովանդակում է մեծ ներուժ,հայրենասիրություն և ազգային արժանապատիվ գոյություն:Վերջերս տեղի ունեցած արհավիրքները (44 օրյա պատերազմ, Արցախի կորուստ, արտագաղթ) պարտավորեցնում են պատմական հարուստ ժառանգության իմացությունն ու յուրացումը, դա ամեն մի հայի պարտականությունն է : Հայոց պատմության դասավանդման հիմնական նպատակներից են սովորողին հիմնարար գիտելիքներ տալ հայկական քաղաքակրթության մասին, զարգացնել սովորողի ճանաչողական, սոցիալական և անհատական կարողություններն ու հմտությունները, ամրապնդել սովորողի հարգանքն ու հպարտությունը հայրենիքի,սեփական պատմության, ավանդույթների և ազգային կրոնական առանձնահատկությունների հանդեպ, դաստիարակել ազգային ու համամարդկային արժեքներ կրող սոցիալապես ակտիվ անձ և քաղաքացի, բացահայտել նրա անձնային որակները ապահովել սեփական ներուժին համապատասխան ուսումնական, աշխատանքային և գործունեության այլ տեսակների մեջ նրա մասնակցությունը:

Առարկայի դասավանդման գլխավոր խնդիրն է ազգային և համամարդկային արժեքների իմացության և արժևորման միջոցով նպաստել աճող սերնդի ազգային նկարագրի ամբողջացմանը:

Հետևաբար, մտում է պարզել ի՞նչ են իրենցից ներկայացնում արժեքն ու արժեհամակարգը:

Արժեքն ինչ որ բանի կարևորություն է նշանակությունն ու օգտակարությունն է:

Արժեքային համակարգը կատարում է ամենօրյա կողմնորոշման դեր մարդու առարկայական և սոցիալական գործունեության մեջ:

Արժեքը աշխարհի յուրահատուկ ընկալումն է, որը ձևավորում է ոչ միայն ձեռք բերված գիտելիքի և ինֆորմացիայի, այլև սեփական կենսափորձի հիման վրա: Արժեքների ճիշտ ընկալումից է ձևավորվում արժեքային համակարգը:

Ըստ ինձ երեխայի արժեհամակարգի ձևավորման սկիզբը դրվում է ընտանիքում, որը համամարդկային արժեքներից կարևորն է:

Մշակույթը ևս կապված է մարդու արժեհամակարգի հետ: Նեղ իմաստով արժեքը մարդու համար իրի, առարկայի կամ երևույթի դրական նշանակությունն է: Արժեքը մարդու վերաբերմունքն արտահայտող ցուցանիշ է, որի կարևոր կատեգորիաներից են հավատն ու սերը: Լինելով միաժամանակ Հայոց եկեղեցու պատմությունն առարկայի ուսուցիչ բախվել են հետևյալ խնդրին. ինչո՞ւ ենք առանձնացնում հայ առաքելական եկեղեցու պատմությունը, եկեղեցական տոներն ու ծեսերը երբ ողջ ընտանիքը «ավետաբեր» եկեղեցու հետևորդ է: Եվ սկսվում է բանավեճ ազգային եկեղեցական տոները և ծիսակարգերը նշելու և պահպանելու համար: Իհարկե մեր սահմանադրությունը որպես ժողովրդավար պետություն սահմանում է կրոնական այլ ուղղությունների ազատ գործունեությունը: Սակայն սովորողը պետք է կարողանա տարբերել ազգային եկեղեցին և նրա ավանդույթները՝ ցուցաբերելով հանդուրժողականություն: Հավատը ծնում է հույս և մղում մարդուն ապրելու, ստեղծելու, արարելու: Հավատը դառնում է կողմնորոշիչ մարդու կյանքի և գործունեության համար: Մարդիկ քանի դեռ ապրում են՝ հավատում են, քանի դեռ հավատում են՝ ապրում են:

Սերը՝ մարդկանց հետ միավորվելու ձգտումն է, սիրո մեջ միավորվում են մարդու արժեքային պատկերացումները: Այն բաղկացած է մի քանի մակարդակներից:

Այլասիրությունը՝ ուրիշին սիրելու, իսկ եսասիրություն՝ սեփական անձը սիրելու երևույթն է:

Կան սիրո այլ դրսևորումներ: Օրինակ՝ սերը անհավասարների միջև, երբ միայն տալիս ես առանց վերադարձի ակնկալիքի: Սիրո այդ ձևն անվանում են մայրական:

Հաջորդը սերն է հավասարների միջև, երբ ինչքան տալիս ես, նույնքան ստանում ես, օրինակ՝ եղբայրական սերը:

Կարևոր արժեք է համարվում ազնվությունը, քանի որ հարգելով սեփական անձը մարդը կարող է միշտ պատասխանատու լինել ցանկացած իրավիճակում, նվիրվել առանց ակնկալիքի և չանտեսել շրջապատող արժեքները:

Հաճախ արժեք է համարվում ճշմարտությունը, հատկապես բարու և գեղեցիկի հետ կապվելիս: Ճշմարտությունը միայն որոշակի սոցիալ մշակութային պայմաններում է ձեռք բերում արժեքային նշանակություն: Կյանքում հաճախ ճշմարտությունը զոհաբերում է

արժեքներին, կարող է լինել նաև հակառակը: Անձի մասին կարելի է դատել նրան առավել բնորոշ արժեքներով, որոնք գոյացնում են անձի ներաշխարհը: Իսկ ինչ վերաբերում է ազգային արժեքներին, դրանք բախտորոշ նշանակություն ունեն և ձևավորվում են պատմական զարգացման ընթացքում, կազմում ներկա կեցության հիմքը և բնականոն գոյության ու անխափան զարգացման երաշխիքը: Ազգին հատուկ արժեքները արտացոլվում են նրա ինքնագիտակցության տարբեր ձևերում՝ արվեստի, փիլիսոփայության, բարոյականության, կրոնական պատկերացումների, բանահյուսու - թյան մեջ: Ազգի արժեհամակարգը պետք է յուրացնի յուրաքանչյուր անհատ հանրության մեջ բնականոն գործելու համար:

Այսպիսով՝ անհրաժեշտ է տարբերակել արժեք-միջոց և արժեք-նպատակ հասկացողությունները. օրինակ՝ գնահատականը մի բան է որպես միջոց, մեկ այլ բան որպես նպատակ, նմանապես փողը և փառքը: Երբ գնահատականը ոչ թե գիտելիքը դառնում են ծնողի և աշակերտի գերագույն արժեքը, դա հիվանդագին և ախտածին երևույթ է մեր օրերում:

Իսկ արժեքները ընդհանուր համոզմունքներ են, որ անհատը ունի ցանկալի նպատակների վերաբերյալ, որոնց պետք է ձգտել կյանքում:

Արժեքները ավելին են, քան կոնկրետ գործողությունները և համատեքստերը, և դրանք ուղղություն են տալիս թե ինչ պետք է անել կամ մտածել բազմաթիվ տարբեր իրավիճակներում: Արժեքները չափանիշներ են առաջարկում այլոց գործողությունները գնահատելու, կարծիքները, մտտեցումներն ու վարքը հիմնավորելու, այլ ընտրանքներից որևէ մեկն ընտրելու, վարքագիծը պլանավորելու և միջավայրում դեր ունենալու համար:

Առանձնացնենք արժեք-արժանիքները, որոնք անձի համար ոչ միայն կենսականորեն անհրաժեշտ բարիք են, այլ նաև ցանկալի հատկություն: Արժեք-արժանիքների ըմբռնումը կարևոր է «անհատ-ազգ» փոխհարաբերությունների կարգավորման համար: Բոլոր անձնային հատկությունները հանդիսանում են տվյալ անձի արժանիքները մասնավորապես «հաստատակամություն, աշխատասիրություն, համբերատարություն և այլն» :

Հարկավոր է տարբերակել ազգային արժանիքներ հասկացողությունը, որում առանձնանում է ազգային պետական միաբանության ապահովումը: Միաբանության ապահովման մեջ վճռորոշ դեր են խաղում երեք հիմնական արժեք-արժանիքներ՝

- Արժանապատվություն

- Արդարամտություն
- Աշխատասիրություն

Արժանապատվությունը սեփական «ես»-ի արժեքի գիտակցումն է : Դա անձի վարքի, արարքների, իրավունքների գնահատականն է, ինքնագնահատականը:

Ազգային արժանապատվությունը սեփական ազգի արժանիքների, վաստակի, իրավունքների գիտակցումն է, ինքնահարգանքը՝ որպես ազգի ներկայացուցիչ:

Արդարամտությունը այլոց ճշմարիտ, արդարացի գնահատումն է: Եթե արժանապատվությունը անձի հարգանքն է իր հանդեպ, ապա արդարադատությունը հարգանքն է ուրիշների հանդեպ: Այսպիսով արդարամտությունը ոչ միայն անդրադառնում է մեր սեփական ինքնագնահատականի վրա այլ նաև ազդում է արդարադատության վրա :

Աշխատասիրությունը աշխատանքի հանդեպ անձի դրական վերաբերմունքն է : Այն բացառիկ կարևորություն ունի և առաջընթացի գլխավոր նախադրյալն է : Վերը նշված արժեք-արժանիքները փոխկապակցված են:

Յուրաքանչյուր ազգի կայունության և անկախության կարևոր երաշխիքն է ճիշտ ազգային-արժեքային համակարգի ստեղծումը և պահպանումը:

Ազգային-արժեքային համակարգի գլխավոր նպատակը կայացած անհատներ դաստիարակելն է: Իսկ դպրոցում աշակերտների մոտ արժեքային համակարգի ձևավորումը բավականին բարդ և կարևորագույն խնդիր է :

Արժեքների հաջորդ խումբը հիմնված է այն ընդհանուր համոզմունքի վրա որ հարկ է դրական վերաբերվել, գնահատել և փայփայել այլ մշակութային պատկանելիություններին, այլ կրոնական մոտեցումներ ունեցողներին, այլ տեսակետների ու կարծիքների և գործելակերպի բազմազանությանը : Այստեղից կարելի է ենթադրել որ մշակութային բազմազանությունը, բազմակարծությունը պետք է պաշտպանել անկախ տարբեր ընկալումներից, պետք է ձևավորել միասին ապրելու ու ժողովրդավարական բարքեր և մշակույթ զարգացնելու համար: Բոլոր քաղաքացիները հասարակության ներսում պետք է ակտիվորեն մասնակցեն ժողովրդավարական գործընթացներին, թեև որոշումները պետք է կայացվեն մեծամասնության կողմից, սակայն նաև պետք է ապահովել արդարացի և հավասար վերաբերմունք բոլոր տեսակի փոքրամասնությունների նկատմամբ:

Դպրոցում դասապրոցեսին արդարացի վերաբերմունքը, հանդուրժողականությունը, համբերատարությունը բերում է նրան, որ ոչ մի կերպ չի պարտադրվում ազգային եկեղեցու հետևորդ դառնալը, բայց նաև մոռացության չի տրվում ազգային առաքելական եկեղեցու դերը հայ ժողովրդի կյանքում և պատմության մեջ:

Այն ազգերը որոնք ապրում են արժեքների գերակայությամբ բարձր ոգեղեն հատկանիշներով ապրող ազգեր և անհատներ են, իսկ երբ նվազում են արժեքները՝ վրա է հասնում ոգու սովը : Ոգեղենությունը պետք է հատուկ լինի բոլորին, հատկապես՝ մտավորականությանը, որը համարվում է ազգի ինտելեկտուալ խիղճը:

Ամփոփելով արժեքների ուսումնասիրումը մենք տեսնում ենք որ արժեքների հայեցակարգի վրա հիմնված հետազոտությունները կարող են վերաբերվել մարդկային կյանքի տարբեր ոլորտների : Արժեքները առանցքային են մարդկային մտքի, զգացմունքների և վարքագծի մեջ : Դրանք մշակույթի անբաժանելի մաս են կազմում և հետևաբար արժեքների միջմշակութային հետազոտությունները թույլ են տալիս հասկանալ մշակութային տվյալ ժամանակաշրջանի բնորոշ խնդիրները:

Տարբեր տեսաբաններ օգտագործում են տարբեր մշակութային չափումներ՝ ինդիվիդուալիզմ-կոլեկտիվիզմ, ֆեմինիստություն-մասկուլիստություն, ներդաշնակություն, հավասարություն և այլն, որոնց բազմազանությունը թույլ է տալիս վերհանել արժեքներով պայմանավորված հասարակական առանձնահատկությունների ամբողջ համախումբը : ¹

¹ Անձի հոգեբանության տեսական և կիրառական հարցեր, ԵՊՀ Երևան 2016թ., էջ 236

ԳԼՈՒԽ II

Ազգային և համամարդկային արժեքների ձևավորումը և կարևորությունը սերունդների դաստիարակության գործում

Ժամանակակից աշխարհում տեղի ունեցող որակական, բովանդակային բազմաթիվ փոփոխություններն իրենց անմիջական գործունեությունն են ունենում անձի ձևավորման, արժեքային համակարգի փոփոխման սոցիալականացման վրա: Երբեմն ինքս եմ դժվարանում իրականացնել արժեքների ձևավորման գործառույթը քանի որ տեղի է ունեցել բարոյամշակութային, ազգային, բարոյահոգեբանական արժեքների վերաիմաստավորում: Տարիքային փոփոխմանը զուգընթաց փոխվում են նաև բարոյամշակութային արժեքները որոնք ուղղակիորեն արտահայտվում են անձի աշխարհայացքում, դաստիարակ - վաճության, կրթվածության, զարգացվածության մակարդակում, վարքագծում, հաղորդակցման մոդելներում: ²

Համաշխարհայնացմամբ (գլոբալիզացիա) պայմանավորված հասարակական արժեքների ձևավորման հիմքում ընկած քաղաքական, տնտեսական, մշակութային, կրոնական և այլ գործոններ երբեմն խոչընդոտում են անհատի անձի ներդաշնակ և լիարժեք ձևավորմանը : Ամեն մի ժողովրդի կյանքում դաստիարակության խարիսխը, մարդկային բանականության հաստատման համար միակ ճիշտ ճանապարհը այնպիսի քաղաքացու ձևավորումն է, որն իր մեջ կկրի իր իսկ ազգին հարիր, իր նախնիներից ժառանգած ազգային արժեքները : Անընդհատ վերափոխվող հասարակության պայմաններում փոխվում են անցյալի մշակութային արժեքների բովանդակության և նշանակության մասին մոտեցումներն ու նրանց փոխանցման մեթոդները: Հետևաբար նոր մոտեցումներ մշակելու խնդիր է ծագում, անհրաժեշտություն է առաջանում լուծելու ժամանակակից մշակութային միջավայրում ծագած խնդիրները: Այս հանգամանքը ավելի է բարդացնում ազգային արժեքների պահպանումը որի լուծման հարցը դրված է առավելապես ուսուցչի առջև:

21-րդ դարը հումանիզմի դրսևորման, տեխնիկական առաջընթացի, գիտական ուսումնասիրությունների, տեղեկատվական մեծ հոսքի, աշխարհաքաղաքական նոր խնդիրների, պատերազմների մի դարաշրջան է որտեղ ձևավորվում, դաստիարակվում և զարգանում է մերօրյա սերունդը: Ի՞նչ պահանջմունքներ ու հետաքրքրություններ ունի, ինչպիսի՞ արժեհամակարգով է առաջնորդվում նոր սերունդը:

Գաղտնիք չէ որ յուրաքանչյուր սերունդ ունի իր կատարելատիպը ըստ որի էլ չափվում են արժեքներն ու նպատակները:

2 Սարգսյան Ա.Ա. Համամարդկային և ազգային արժեքները սոցիալական տարրեր ինտիտուտներում, ԵՊՀ 2019թ.

Սերունդները օղակ են անցյալի ու ապագայի միջև և ապահովում են ինչպես տվյալ ժամանակաշրջանին բնորոշ արժեքների հաջորդականությունը այնպես էլ՝ փոփոխումը: Պայմանավորված տարատեսակ հանգամանքներով, տվյալ ժամանակին բնորոշ պատմական իրադարձություններով, մարդկային մտածելակերպի փոփոխություններով ազգային արժեքներ կրող անձի ձևավորումը տարբեր ժամանակներում տարբեր է եղել: Անկախացման տարիներին Հայաստանին պատուհասած երկրաշարժը, Արցախյան գոյամարտը, Զառօրյա պատերազմը, 44-օրյա պատերազմը, Արցախի կորուստը իրենց տխուր հետևանքներն ունեցան բոլորիս ներաշխարհի բարոյահոգեբանական անկման վրա, որը իր հետևանքները թողեց բացասական տարրաբնույթ երևույթների աշխույժ գործունեության համար : Նման մարտահրավերների առկայության պայմաններում նոր սերնդի՝ նախնիներից ժառանգած արժեհամակարգի մասին մակերեսային գիտելիքների կամ բացարձակ չիմացության հետևանքով ազգային արժեքները մղվում են 2-րդ պլան. և ավելի հեշտ ընկալվող դառնում համաշխարհայնացման անցանկալի պահանջները, որոնք բացասական ազդեցություն ունեցան երիտասարդ սերնդի ինքնության, կենսակերպի և արժեհամակարգի վրա: Ի տարբերություն նախորդ դարաշրջանի՝ մերօրյա ազգային առաքինություններից շատերն այլ ընկալում են ձեռք բերել, փոխվել են նաև արժեքային պատկերացումները : Այսինքն՝ ազգային-մշակութային առանձնահատկությունները որոշ չափով մղվել են հետին պլան, վտանգելով և խոցելի դարձնելով մշակութային ինքնությունը: Այս խնդրի հաղթահարման գործը դրված է նոր սերնդի ուսերին: Որքան փոփոխական են խնդիրները այնքան կայուն է դրանք լուծելու անհրաժեշտությունը: Ուստի այս սերունդը ոչ միայն տարբերվում է իր առջև դրված խնդիրներով, այլև դրանք հաղթահարելու եղանակներով ու արդյունքներով : Հետևաբար այս մարտահրավերների պայմաններում պետականության ամրապնդման համար չափազանց կարևոր է ոչ միայն ժամանակակից, քաղաքական-տնտեսական և շուկայական հարաբերություններն ու օրենքներն ըմբռնող, այլև ազգային մտածողություն ու հայեցի դաստիարակություն ունեցող սերնդի կերտումը : Այսպիսի իրավիճակներում անփոխարինելի է հոգևոր մշակութային, սոցիալական կենտրոնների և ինստիտուտների դերակատարությունն ազգային-ավանդական արժեքների պահպանման, փոխանցման գործում: Վերջիններս այն հենասյուներն են, որոնք ապահովում են մտավոր ներուժով հարուստ սերունդ ունենալու, ազգային և համամարդկային մշակութային արժեքները պահպանելու և սերնդեսերունդ փոխանցելու, արժեքային կայուն հայացքներ ունեցող, ազգին նվիրված քաղաքացիներ դաստիարակելու, կրթելու գործընթացը : Սոցիալական ինստիտուտների հիմնական նպատակը տիրող մշակութային արժեքների փոխանցումն է : Դրանով երեխան ոչ միայն ձևավորվում ու զարգանում է, այլև հարմարվում է հասարակական կյանքին՝ ձեռք բերելով անհրաժեշտ

գիտելիքներ, կարողություններ, հմտություններ, վարքագծային նորմեր, ծանոթանալով և յուրացնելով ազգային և համամարդկային մշակույթը :³

Մոցիալական ինստիտուտների մեջ անգնահատելի է ընտանիքի դերը՝ որպես մարդկության կողմից պատմական երկարատև զարգացման ընթացքում ստեղծված մեծագույն արժեք: Ընտանիքը ոչ միայն տվյալ ժամանակաշրջանի մշակույթի կրողն է այլ նաև փոխանցողը: Ներընտանեկան ավանդույթներն ու սովորույթներն օգնում են հայեցի դաստիարակություն տալ գալիք սերունդներին՝ նրանց մեջ ձևավորելով ազգային ինքնագիտակցության ոգին: Ինքնության հարցը ներընտանեկան միջանձնային փոխհարաբերություններում դրսևորվում է հենց ազգային ինքնագիտակցության, մայրենի լեզվին տիրապետելու, պապենական արմատները ճանաչելու, Հայ առաքելական եկեղեցու պատկանելության և ազգային սովորույթների պահպանման գործընթացներում :

Նոր սերնդի արժեհամակարգի ձևավորման, կրթության և դաստիարակության գործում լուրջ անելիքներ ունի նաև հայ դպրոցը, որի գերնպաստակն է կերտել բարոյական, ազգային արժեքներով օժտված, ազգային նկարագիր ունեցող սերունդ : Կարծում եմ մեր օրերում տեղի ունեցող կրթական բարեփոխումները պետք է նպաստեն ազգային ակունքների պահպանմանը : Դպրոցի առջև դրված առաքելություններից մեկն էլ երեխայի մեջ իր ազգին բնորոշ բարոյական և հոգևոր մշակութային արժեքների ձևավորումն ու զարգացումն է : Նրա խնդիրն է պահպանել և փոխանցել այն արժեքները, որոնք ժառանգել ենք մեր նախնիներից : 21-րդ դարի դպրոցում դաստիարակության և կրթական գործընթացի ճիշտ կազմակերպման համար շատ ջանքեր են պահանջվում: Կարևոր է Հայրենի մշակույթի բարձրարժեք ստեղծագործությունների ուսումնասիրումը ու ուսուցումը : Այդ ստեղծագործություններում արտահայտված են մեր ժողովրդի հոգեկերտվածքը, աշխարհընկալումը, մարդասիրական գաղափարներն ու գալիքի երազանքները : Հին Հայկական ավանդույթներում է որ վառ կերպով արտացոլված են մեր ազգի ազգային հավաքական բնույթը , անդրդվելի կամքը, ապրելու, վերածնվելու, հարատևելու, ազգերի պատմության մեջ իր արժանի տեղն ունենալու ձգտումը : Ահա այսպես սովորողը պիտի հասնի այն գիտակցության, որ հասարակական կյանքի առաջընթացը պայմանավորված է համախմբվածությամբ, գիտելիքների բարձր մակարդակով ու մշակութային արժեքների ոչ միայն ստեղծմամբ այլև պահպանմամբ :

³ Ա.Հ. Մարգարյան, Մշակույթի տեսություն, Երևան 2003, էջ 29

Ինչպիսի գործողություններով եմ պատրաստվում հետազոտական աշխատանքս կյանքի կոչել Հայոց պատմության և Հայոց եկեղեցու պատմության դասաժամերին :

Կից ներկայացնում եմ դասի պլանի նմուշ օրինակ, որը կօգնի սովորողի արժեհամակարգի ձևավորմանը :

Առարկա-Հայոց պատմություն		
Դասարան-8-րդ դասարան	Ուստարի-2023/2024	Կիսամյակ-առաջին
Դասի թեմա	Ազատագրական պատերազմն Արցախում Ազատագրական պատերազմը Սյունիքում	
Դասի նպատակը	Ձևավորել՝ 18-րդ դարում Հայաստանի ներքաղաքական և արտաքին քաղաքական վիճակի, Հայաստանի ազատագրության և պետության վերականգնման նպատակով Արցախում և Սյունիքում իրականացված ձեռնարկների վերաբերյալ գիտելիք: Ազատագրական պայքարի ձեռքբերումները և բացթողումները վերլուծելու հմտություն:	
Վերջնարդյունքեր	Գիտելիք 8.3.1.Նկարարագրի տարածաշրջանի քաղաքական դրությունը, Հայաստանի ներքին և արտաքին իրավիճակը 18-րդ դարում: 8.3.2.Բացատրի Արցախում և Սյունիքում պետականության վերականգնմանը միտված իրականացված ձեռնարկները: Արժեհամակարգ-հաստատականություն 8.3.3. Ուսումնասիրի հայ ժողովրդի 18-րդ դարի պատմությունը, ձևավորի բանիմաց վերաբերմունք, հաստատականություն արժեհամակարգի նկատմամբ, որը առաջնորդում էր հայ ժողովրդին այս ժամանակաշրջանում պետականությունը վերականգնելու ճանապարհին:	
Խաչվող հասկացություններ	Օրինաչափություն Անհատներ և հարաբերություններ	
Միջառարկայական և ներառարկայական կապերը	Համաշխարհային պատմության՝ Նոր շրջանում Օսմանյան կայսրության պատմություն, Ռուսական պետության պատմություն թեմաների ուսումնասիրություն „Հասարակագիտության՝ Պետականություն, պետականության վերականգնում և ազատության արժեհամակարգ, Ռեզոլուցիայի 18-րդ դարի	

	<p>ազատագրական պայքարը Արցախում և Սյունիքում ,Մաթեմատիկայի՝ տարեթվեր,ամսաթվեր և զինական ուժերի քանակություն և հարաբերակցություն,Աշխարհագրության՝ տարածքների անվանումներ ու ուղղություններ՝ Արցախ,Սյունիք,Ռուսաստան,Օսմանյան Թուրքիա,Պարսկաստան,Գանձակ,Դերբենդ,Զոլակ և այլն:</p> <p>Հայոցլեզու՝ մաքուր,հստակ,անսխալ բանավոր և գրավոր խոսք:</p> <p>Գրականություն՝ Ս.Խանգադյանի «Մխիթար Սպարապետ»,Բաֆֆու«Դավիթ Բեկ» վեպերը:</p>
Անհրաժեշտ նյութեր և միջոցներ	Համակարգիչ լուսացրիչ, դասագիրք,քարտեզ:
Կիրառվող մեթոդներ	Մտագրոհ, Դերային ներկայացում,հարց ու պատասխան,ընդհանուր ամփոփում՝3-2-1 մեթոդով,գնահատում
Կապը ՀՊԶ հետ	Հ17,Հ26
Դասի տիպը	Նոր նյութի մատուցում
<p>Դասի փուլերը</p> <ul style="list-style-type: none"> ●Ներածություն ●Հիմնական մաս 	<p>Նախորդ թեման ամփոփելու համար կիրառել <<Մտագրոհ>> մեթոդը. 3ր.</p> <p>Լուսացրիչի օգնությամբ պատին ցուցադրվում է 3-4 բույեանոց տեսաֆիլմ, որից հետո ուսուցիչը սահիկաշարի միջոցով ներկայացնում է նոր թեման:</p> <p>Հասկանալու համար, թե որքանով են աշակերտները յուրացրել դասը, կիրառել <<Դերային ներկայացում>> մեթոդը:</p> <p>Դասի հիմնական մասում դասարանին բաժանվում են դերերը :</p> <p>Դրվում է դերային ներկայացման հիմնական ուղղությունները.</p>

Դերերի՝

Նպատակները և շահերը

Ներկայացնել 18_րդ դարի քաղաքական իրադրությունը, ազգային ազատագրական պայքարի պատճառները, նպատակները:

Իրականացված քայլերը

Ներկայացնել հայկական զինական ուժի կազմավորումը, թուրքական զորքերի առաջխաղացումը, ռազմական բախումներն ու դրանց արդյունքները:

Ձեռքբերումները

Ներկայացնել ազատագրական պայքարի արդյունքում յուրաքանչյուր կողմի ունեցած ձեռքբերումները և հայոց պետականության վերականգմանը միտված քայլերը:

Իրականացված քայլերի արդյունքներն ու հետևանքները

Ներկայացնել ազատագրական պայքարի արդյունքում ունեցած արդյունքները և հետևանքները, ազատագրական պայքարի ընթացքում ծավալված մարտերի դերը, ինչպես նաև կրած կորուստներն ու երկրի սոցիալ-տնտեսական բարդ վիճակը:

Աշակերտները ստանում են դերերը.

Դերեր
Հայաստան
● Շեղինակ
● Եսայի Հասան-Ջալալյան
● Դավիթ Բեկ
● Մխիթար Սպարապետ
● Աբրահամ Սպարապետ
● Պետրոս Մեծ

- Վախթանգ 6-րդ
- Տեր-Ավետիս
- Ավան հարյուրապետ
- Թարխան հարյուրապետ
- Ժողովուրդ

Արհեստավորներ, գյուղացիներ, քաղաքաբնակներ, զինվորներ

Տարածաշրջան

- Օսմանյան կայսրություն
- Ռուսաստան

Հեղինակը 3 թույլ տևողությամբ ներկայացնում է 18-րդ դարի ազատագրական պայքարի պատմական հանգամանքները, պատճառները և դեմքերին:

Այնուհետև երկրները և արքաների կերպարները ներկայացնող աշակերտներից յուրաքանչյուրը ներկայացնում է իր նպատակը, դիրքորոշումը Անդրկովկասում տեղի ունեցող իրադարձությունների վերաբերյալ՝ պատասխանելով սույն հարցերին.

1. Ի՞նչ նպատակ ունեի կապված Անդրկովկասի հետ:

2. Ո՞րն է իմ դիրքորոշումը Սյունիքում և Արցախում տեղի ունեցող իրադարձությունների հետ կապված:

Ապա ռազմական գործիչներին մարմնավորող աշակերտներից յուրաքանչյուրը իր դիտանկյունից ներկայացնում է հերոսամարտերի իր կերպարի (Դավիթ Բեկ, Մխիթար Սպարապետ, Աբրահամ Սպարապետ, Ավան և Թարխան հարյուրապետեր, Տեր-Ավետիս) նպատակները, հաջողություններն ու ձախողումները պատասխանելով հետևյալ հարցին.

1. Ազատագրական պայքարում ո՞րն էր իմ մասնակցության գլխավոր նպատակը, ո՞րը եղավ իմ ձեռքբերումը, և ո՞րը եղավ իմ անհաջողությունը:

Յուրաքանչյուրին տրվում է 2 ր ժամանակ:

	<p style="text-align: right;">/25 բույե</p> <p>Այնուհետև</p> <p>Հաջորդը հանդես է գալիս ժողովրդին մարմնավորող աշակերտը՝ յ իր դիրքորոշումը, շահերն ու կորուստները ներկայացնելով.</p> <p>1. Ինչպե՞ս ազդեց պարսկական տիրապետությունն ինձ վրա ,և ինչպես փոխվեց իմ վիճակը ազատագրական պայքարը. ի՞նչ շահեցի և ի՞նչ կորցրի:</p> <p style="text-align: right;">/2 բույե</p> <p>Ողջ դասապրոցեսի ընթացքում պատի վրա լուսացրիչի օգնությամբ ցուցադրվում է սահիկաշար՝ կապված 18-րդ դարի ազագարական պայքարի ծավալման և ներկայացման հետ:</p> <p>Կատարվում է թեմայի ամփոփում.</p> <p>Կիրառվում է 3-2-1 մեթոդը.</p> <p>1. Նշեք 3 բառ, որ իմացաք այս դասին:</p> <p>2. Նշեք 2 արտահայտություն, որ իմացաք այս դասին:</p> <p>3. 1 նախադասությամբ ամփոփեք ձեր այսօրվա իմացածը:</p> <p style="text-align: right;">/3_5 բույե</p> <p>.</p>
<p>●Ամփոփում</p>	<p>Գնահատում</p> <p>Կիրառվում է գնահատման անիվ մեթոդը.</p> <p>1. խանդավառություն</p> <p>2. գրագետ խոսքը</p> <p>3. թեմայի բովանդակության համապատասխանություն</p> <p>4. կանոնների պահպանումը</p> <p>5. նպատակի հասնելը</p>

	<p>6. նոր ձեռքբերումները</p> <p>7. հրահանգներին հետևելը</p> <p>8. ռեսուրսների բազմազանությունը:</p>
<p>Տնային առաջնադրանք</p>	<p>Դասանյութի յուրացում, հանձնարածություն՝ դասի թեմայի շրջանակներում ռեֆերատի կազմում ըստ հետևյալ թեմաների.</p> <p>«Դավիթ Բեկի պատմական կերպարը»</p> <p>«Միլիթար սպարապետի պատմական կերպարը»</p> <p>«Քաղաքական իրադրությունը Արցախում և Սյունիքում 18-րդ դարի 1-ին 30-ամյակում »</p>

Եզրակացություն

Այսպիսով ամփոփելով աշխատանքս համոզվեցի, որ յուրաքանչյուր ազգի կայունության և անկախության կարևոր երաշխիքն է ճիշտ ազգային արժեքային համակարգի ստեղծումը և պահպանումը:

Ազգային արժեքային համակարգի գլխավոր նպատակը կայացած անհատներ դաստիարակելն է: Վերջիններս այն հենասյուներն են, որոնք ապահովում են մտավոր ներուժով հարուստ սերունդ ունենալու, ազգային և համամարդկային մշակութային արժեքները պահպանելու և սերնդեսերունդ փոխանցելու, արժեքային կայուն հայացքներ ունեցող, ազգին նվիրված քաղաքացիներ դաստիարակելու, կրթելու գործընթացը: Քանի որ կողմ եմ հասարակության զարգացմանը՝ պահպանելով հինը և համալրելով նորը, սերունդները քայլելով ժամանակին համընթաց և հաղորդակից լինելով համամարդկային արժեքներին անհրաժեշտ է առաջնայնություն տալ ազգայինին:

Ազգային արժեքների մեջ անգնահատելի է ընտանիքի դերը որպես մեծագույն արժեք ընտանեկան ավանդույթներն ու սովորույթներն օգնում են հայեցի դաստիարակություն տալ երեխային՝ նրա մեջ ձևավորելով ազգային ինքնագիտակցություն:

Արժեհամակարգի ձևավորման, կրթության և դաստիարակության հարցում լուրջ անելիքներ ունի նաև դպրոցը, որի նպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ: Նպատակին հասնելու համար անհրաժեշտ է ուսումնասիրել ու կատարելագործել ոչ միայն գիտությունների ճյուղերը այլև մանկավարժության անցյալի ժառանգությունն ու ժամանակակից փորձն ու մեթոդաբանությունը:

Յուրաքանչյուր սերունդ ունի իր մտածելակերպը ըստ որի էլ չափվում են արժեքներն ու նպատակները: Սերունդները օղակ են անցյալի ու ապագայի միջև, և արժեքների փոխանցողները հետագա սերունդներին:

Գրականության ցանկ

- 1 Անձի հոգեբանության տեսական և կիրառական հարցեր, ԵՊՀ Երևան 2016թ. էջ 236
- 2 Սարգսյան Ա.Ա. Համամարդկային և ազգային արժեքները սոցիալական տարբեր ինստիտուտներում, ԵՊՀ 2019թ.
- 3 Ա.Հ. Սարգսյան, Մշակույթի տեսություն, Երևան 2003, էջ 29
- 4 Վիքիպեդիա ազատ հանրագիտարան